

明書



明書卷一百五十七

靈壽傳維鱗纂

列傳十七

姦回傳

史官論曰木實將撥必蠹其中日月外暈或蝕其裏昔子輩謀桓魯隱弑宰嚭佞越吳國沼張禹黨王炎鼎移林甫庇審漁陽動自古姦臣在人主之側威惠內竊國情外輸以宗祏爲市者多矣天下之惡一也買妾欲其嘗我者擇臣取其貳彼者崇攜保姦與晉殺里克漢斬丁公之義何居然春秋書叛人名名不可掩也作姦回傳而以柔媚取

明書卷一百五十七

容悅無剛直之概者類編焉

胡惟庸

附陳汪廣洋楊憲傳

胡惟庸江南人性儉惡小有才以曲意奉上當上心太祖擬相問劉基曰楊憲何如基與憲素厚以爲不可上怪之基曰憲有相才無相器夫宰相者持心如水以義理爲權衡而已無與焉者也今憲不然能無敗乎上曰汪廣洋何如對曰此禍淺觀其人可知上曰胡惟庸何如基曰此小續將債軼而破犁矣洪武四年爲左丞相六年六月改右丞相十年九月制尊左復爲左丞相劉基嘗語人曰使吾言不驗蒼生之福也言而驗如蒼生何後自楊憲誅而惟

庸總中書之政專肆威福生殺黜陟有不奏而行者內外諸司封事入奏惟庸先取視之有病已者輒匿不聞私提奏差胡憊爲巡檢營其家事由是四方奔競之徒趨其門下諸臣諛候者多附之受金帛名馬玩好不可勝數魏國公達深嫉其姦邪常從容言於上惟庸忌之達有聞者福壽惟庸陰誘致爲己用冀得其力以圖達爲福壽所發劉基亦嘗爲上言惟庸姦恣不可用惟庸知之由是怨恨基及基病詔惟庸視之往以毒中之基竟死上以基病久不疑基死惟庸益無所憚與李善長等相結以兄女妻善長從子祐貪賄弄權無所畏忌一日其定遠舊宅井中忽生

明書卷一百五十七

竹笋出水高數尺諛者爭言爲丞相瑞應又言其祖父三世塚上皆夜有火光燭天於是惟庸益自負有邪謀矣當是時吉安侯陸仲亨自陝西歸擅乘驛傳上怒責之曰中原兵燹之餘民始復業籍戶買馬艱苦甚矣使皆效爾所爲民雖盡鬻子女買馬走還不能給也責捕盜於代縣平涼侯費聚常命往蘇州撫綏軍民聚不任事惟嗜酒色召遣賁往西北招降敵無功上亦責之二人懼惟庸陰以權利務誘之二人素慙勇又見惟庸當朝用事強盛因與往來久之益密嘗過惟庸家飲酒酒酣屏去左右因言吾等所爲多不法一旦事覺如何二人惶懼計無所出惟庸乃

告以己意且令其在外收輯軍馬以俟二人從之與陳甯坐省中閱天下軍馬籍令都督毛驥取衛士劉運寶及亡命魏文進等爲心膂曰吾有用爾也太僕寺丞李存義善長之弟惟庸之婿父也以親故往來惟庸家惟庸令存義陰說善長同起善長驚悸曰爾言何爲者若爾九族皆滅存義懼而去往告惟庸思以利動善長後十日又令存義以告善長且言事成當以淮西地封公爲王善長雖有才能然本文吏計深巧雖伴驚不許不甚拂適歎息起曰吾老矣由爾等所爲存義還告惟庸喜因過善長屏左右款語良久惟庸欣然就辭出使指揮林賢下海招倭軍約期

明書卷一百五十七

三

來會又遣元臣封績致書稱臣於元請兵馬外應事皆未發會惟庸子乘馬馳驟於市馬奔入輓輅中傷死焉惟庸卽殺是輓輅者上怒命償其死惟庸乃請以金帛給其家上不許惟庸乃與善長及中丞涂節御史大夫陳甯等謀起事遣人陰告四方及武臣之從己者時惟庸居第近西華門先謠云其所居井湧醴泉以徽上聞洪武庚申春正月邀上幸其第觀之先列勇士衷甲數市匿屏後俟變時守西華門內使雲奇知所爲倉卒變上悟亟還宮發兵圍緝果然遂罪人一一就縛并黨御史大夫陳甯都督李王等皆伏誅已而惟庸語連李善長陸仲亨上念初起時

功臣置不問宋慎坐黨亦誅仍籍其家廉謫四川茂州是獄也前後戮黨凡數萬人按是時御史涂節告變謂甯附和丞相坐省中閱天下軍馬圖籍其在蘇州催糧餉燒鐵烙人其子孟麟泣諫杖之至死上曰甯於其子如此奚有於君父耶遂賜死甯長沙茶陵人初名亮元爲鎮江小吏從軍至金陵代諸將言事英辨疊出太祖異之賜名甯授江南行省掾史歷中書省參議凡朝廷制度咸預稽詳吳元年出知廣德歲大旱奏免租弗允甯躬赴闕上言天災民饑催稅太急是爲張士誠驅民也上曰爾乃膽大敢爲此言耶竟從之遷浙江按察使適皂隸小毛訟其隱避逮

明書卷一百五十七

四

繫應天獄久之乃釋降太倉市舶提舉洪武元年召入爲司農卿還兵部尙書二年出知松江府復拜中書右丞三年又出知蘇州府遷浙江行省參知政事復召爲御史中丞至是坐胡黨誅

汪廣洋字朝宗高郵人廣洋寬和通經能文善篆隸大書工詩歌少從余闕學游太平乙未太祖渡江召廣洋入見與語大悅留幕下爲元帥府令史行樞密院掾史江南行省提控丁酉除照磨己亥立執法議理司大書四字牌上以廣洋李勝端爲執法官朝政有失執牌直諫又名爲都陳官辛丑遷江南行省都事陞郎中甲辰立中書省改右

司郎中尋知驍騎衛事常遇春下贛州廣洋出參軍事遂守贛州尋陞江西行省參政洪武元年開省山東廣洋以廉明持正改山東安輯有勞是冬召入中書為參政明年出參政陝西三年李善長病召入為左丞時楊憲以山西參政先召入為右丞惡廣洋札已喉侍御史劉炳劾廣洋不孝上切責斥還鄉憲意未已又喉炳劾廣洋謫海南李善長奏憲誣大臣放肆為姦上誅憲召廣洋還是年冬與劉基同口受封封廣洋護軍忠勤伯食祿三千六百石諸詞北之子房孔明四年善長致仕廣洋為右丞相參知政事胡惟庸為左丞六年進左丞相惟庸為右丞相尋廣洋

明書卷一百五十七

五

坐畏懦迂猾斥為廣東參政逾年召為左御史大夫十年復為左丞相上益厚廣洋未幾上以惟庸暴橫廣洋荒於酒色而怠棄政機浮沈守位敕戒令洗心補過會占城貢使至不以時引見下敕切責政廣洋惶懼十二年御史中丞涂節言劉基死奪廣洋知狀上問廣洋對無是事上怒廣洋朋黨又謫海南舟至太平上再遣敕責廣洋事朕十餘年不聞一善言不薦一賢士在江西曲庇文正在中書不發楊憲姦惡惟務沈湎不事事廣洋得書益慚大懼自縊死

志字希武陽曲人美姿儀博學多才少從父元末宦寓

江南丙申謁太祖於金陵上與語奇之令居幕府已而擢江南行省都事當江廣多故日裁決文書不滯時稱其能中性深險而忌有不滿於己者輒以計中傷久之出為浙東行省郎中又為江西行省參政召入為司農卿未幾參政中書省尋改河南行省參政洪武二年調山西三年召為中書省右丞尋改左憲事上既久熱典故以是假寵市權貌同列亦莫敢為抗嘗上書頌上功德因勸上行督責之政上曰是欲使我失人心也拒之憲與昶同在中書以昶才出已右欲搆害之時東南未定元號令猶行於西北昶嘗開暇與憲言吾故元臣也勉留於此意不能忘故

明書卷一百五十七

六

君而吾妻子又皆在北方存亡未可知憲因鈎摘其言謂昶謀叛且出手書許之昶遂坐誅憲自是益無所憚初為司農卿屬浙江初平憲以其民富實因議增賦倍征以資國民以不堪在中書盡變易省事凡舊吏一切罷之更任所親信陰入持權乃創為一統山河花押示條吏以觀其從違凡附已者即不次超擢否者斥之人莫解其意一日翰林編修陳樞入謁憲以押字示之樞即賀曰押字大貴所謂只有天在上更無山與齊者憲大喜後數日奏除樞為翰林侍書已而又刺求丞相汪廣洋陰事令御史劉炳劾奏之廣洋坐免田里憲又喉炳劾廣洋徙之廣南上不

聽又教炳誣奏刑部侍郎任安擯入人罪上始覺其誣下炳獄炳代實劉基併發其姦狀及諸陰事上大怒令羣臣按問憲辭服遂與炳等皆伏誅

史官曰姦臣之於人主必以其所長短者巧中之主上英明則取聰察之事以快其私而闇主無論已明太祖神武剛毅而胡惟庸恐生殺擅黜陟至盡徹上聞阻隔章奏卒以反誅宜矣獨是株連無辜戮至數萬惟庸之惡過於天矣廣洋無所可否持祿怙寵將不謂之姦不可患賣友虐民變亂成法恣行胸臆中傷雅拙授首市曹不為枉矣書云旁作穆穆迺衡又曰斯斯猗無他技使大臣能釋乎此

明書卷一百五十七

七

余未見其殄邦而傾首也

徐增壽李景隆王甯盛庸茹瑤王佐傳

徐增壽以父任三遷至左軍左都督侍宿衛建文皇帝業以持燕王事從容謂增壽王得無反乎增壽頓首曰燕王先帝同氣且富貴已極何故反燕兵起則時從增壽謂虛實增壽亦時從王所輔建文皇帝漸覺之未及問而燕兵入金川門召增壽詰之不對手劍斷增壽腰燕王入撫屍而哭既即位封增壽為舞陽侯再追封定國公俾子景昌嗣歲祿二千五百石久之領軍府嗣凡三十五年而卒子顯忠嗣十二年卒子永甯幼又七年而嗣疾失心子

半祿罷朝請病二十六年卒子光祚嗣久之領軍府以東宮舊恩起進太傅旋以監修武眷二朝實錄成果加太師兼太子太師凡四十五年卒子延德嗣領軍府四十餘年卒子文璧嗣領軍府加太保太子太傅嘉靖中詔裁恩澤世封而魏定二公皆自以功弗奪有言定公功不稱者卒弗奪也天下僅五公達子孫居二焉文璧卒子允禎嗣國變時死節

李景隆長身偉姿疏眉目顧盼朗然既少奉文忠教讀諸生間與天台方孝孺善多習典故善談論每朝會進止雍容是都太祖每日屬之既襲爵與魏國公輝祖等分鎮中

明書卷一百五十七

八

原要害地所使多稱進掌左軍都督府加太子太傅太祖崩皇太孫立景隆益以肺腑見親任而弟增枝亦屢遷至左都督進加景隆太子太師時兵部尚書齊泰太常卿黃子澄得幸上謀削弱諸王至燕而露燕兵起長興侯耿炳文武定侯郭英等征之前後皆敗於是齊泰黃子澄皆才景隆而薦之乃命景隆為征虜大將軍北伐用裴度故事賜通天犀帶建文皇帝為推輪親送之江許且令得以一切便宜誅賞時諸宿將多物故鮮存者而存者亦以老又皆景隆諸父行快快不肯為之下而景隆暴得意自尊大每升帳踞高坐毋敢與抗禮者皆唯唯不能吐片語而退

景隆會兵五十萬於德州乘燕王之攻大甯遂進薄北平築壘九門爲長圍以困之王還師自救景隆逆戰大敗死者十餘明日九門之師萬復潰死者復數萬乃退走王復攻大同景隆引兵出紫荆關時寒甚士卒墜指者什二三乃移書燕王請罷兵辭驕燕王亦貽書來報而心恨之甚遂戰於白溝河北凡三日而景隆復大敗殺溺及被俘者幾三十餘萬景隆乃奔濟南燕王來追復大敗死者二萬餘濟南遂見圍以參政鐵鉉堅守不下始建文皇帝未得敗問與秦子澄謀以景隆權尙輕特賜黃鉞麾蓋彤弓矢使者渡江而風失之復製以賜尋景隆敗問至京召還既

明書卷一百五十七

九

陸見黃子澄慚憤極執景隆於朝班慟哭請誅以謝天下建文莫能問也又二載師屢覆燕兵悉渡江駐龍潭建文懼乃使景隆同尙書茹瑄都督王佐來謁燕王以割地講和請王笑曰事至此何地可割吾但欲得姦臣耳於是景隆等蕭伏密輪款歸佐谷王守金川門燕王至景隆等開門迎之燕王卽位以景隆等默相事機封曹國公改號曰奉天靖難階曰光祿大夫勳曰左柱國增祿歲一千石其太子太師如故賞塢淇成二公改修高廟實錄爲監修總裁諸裁定功賞大興革景隆館以班首主議天子雖外示崇重而心恨之甚諸功臣咸扼腕謂彼自刎刺我而今以

降奴而據我上其又明年三法司論劾景隆包藏禍心蓄養亡命與其弟左都督增枝謀爲不軌已文武大臣咸國公能等更部尙書蹇義等復言之已六科都給事中張信等復言之乃下詔盡削景隆勳官號絕朝請勒歸私第酒以長公主故不奪其爵亡何文武羣臣復言謂事者至其家景隆猶坐受闕人伏謁如君臣禮太不道復株及左都督增枝因詔併奪增枝荊州帥符逮之與景隆同繫私第盡沒其莊田寶貨圖籍咸獲入之官而所繫者皆親屬矣嘗絕其食旬日不死始稍稍給食至永樂末而景隆竟以凍餒卒繫禁四十年男女自相婚配人以爲姦回之報

明書卷一百五十七

十

王甯壽州人尙懷慶公主爲駙馬都尉公主太祖第六女母成穆孫貴妃建文中甯通語言燕王洩中禁事籍其家繫甯錦衣獄建文四年詔封功臣稱甯孝於太祖忠於國家正直無私不阿權勢遂遭誣陷幾致殞身達孝推恩允宜褒答封永春侯食祿一千石與世券永樂元年又官其子貞亮羽林前衛指揮僉事甯嘗侍上言及太祖時事上愴然甯卽勸上誦經飯僧爲皇考福利上不悅五年甯坐事下詔獄死貞亮先卒宣德七年貞亮子彝乞卹衛僉事不允再乞亦不允十年彝又援詔言公主適孫請嗣侯英

宗投奔衛食事帶俸奉公主祀

盛庸江南人建文時充參將隨耿炳文軍失利又隨李景隆戰燕齊間互有勝負已而與鐵鉉守濟南燕兵圍甚急庸夜出劫戰盡城禦防盡毀燕兵請攻具捷聞陞鉉兵部尚書封庸歷城侯食祿千石充平燕將軍總兵官代景隆北進與燕兵大戰東昌夾河殺張玉譚淵燕兵長驅至淮上庸進戰靈璧齊眉山皆敗遣還驛駐高資港又敗太宗卽位庸歸命敕曰北以山東未定命卿鎮守淮安今鐵鉉就獲諸郡悉平朕念山東久困兵革憊於轉輸卿宜輯兵養民以稱朕意永樂元年致仕千戶王欽發庸狀陞欽指

明書卷一百五十七

十一

揮同知賞銀百兩未幾都御史陳瑛劾庸口出怨言懷異圖請誅庸遂削爵賜死

茹瑺衡山人洪武末由監生官左通政遷吏部尚書改兵部建文初以兵部尚書掌河南布政司事燕兵至江上建文皇帝遣瑺詣軍中勞問瑺私稱臣獻密計燕兵遂從金川門入事既定詔稱王甯及瑺孝於太祖忠於國家封甯順昌侯瑺忠誠伯甯蓋駙馬都向與徐尉增壽爲燕內間者也瑺尋加太子少保永樂七年除名回籍家人興妄告其隱事復械至京久之得釋還家道經長沙坐不朝谷王都御史陳瑛劾之復逮下詔獄瑺懼命其子餘市砒霜蕞

飯中送食遂死法司以聞鉉坐殺父律論死婦人送浣衣局幼男發教善局谷王亦於永樂十五年陰養死士降庶人錮南京闔室自焚

王佐不知始所自起歷官都督同知燕兵至金川門建文皇帝遣曹國公茹尚書及佐見燕王龍潭議割地講和不聽三人者遂望風納款且獻密謀比至城金川門遂開卽位封順昌伯食祿千石與世券後以嫌死

史官曰增壽景隆王甯並以勳貴托倚肺腑陰懷搆貳外輸秘密增壽誅戮景隆禁錮王甯下獄天道不爽信然雖後食報不同而及身伏辜矣盛庸氣壯雷奮屢建戰功卒

明書卷一百五十七

十二

傾心仇讐不免刑辟茹瑺王佐以天子信使尋命潛款卽圖榮數年如浮雲之過肩睫或父子伏法或終以殛死亦何益哉亦何益哉

金忠順成張信王通房寬傳

金忠鄞人少慷慨負義氣兄成通州忠省兄會燕兵起布衣甫冠上謁典儀云浙東奇士金忠願見殿下說兵事及中朝動靜得召見忠言殿下太平皇帝小人耕江海間及往來齊魯道上聞殿下賢譽服人心久矣茲舉大事人材爲急太宗說立授署紀善日侍幃幄贊理戎務尋陞署長史已爲眞卽位後陞工部右侍郎治事北京永樂二年召

入兵部爲尙書忠博覽史籍議論何惡儲位未定上密問忠歷數古昔適庶故事對上喜賜忠大銀又曰詹事宮端屬汝以尙書兼詹事幸善調護佐太子忠侍監國時時勸起孝敬篤友愛小心敬慎無失禮毀譽禍福聽諸天日而已或譖謗廷臣及宮僚過者上密令忠察審忠退每數日頻首再三爲白無此事願陛下寬籌上或不喜卽又頻首言臣敢保其無他他日有蹤跡卽如人言臣甘連坐以故諸所全獲者多忠謹厚不洩伴爲不知也公每導人寬愛無爲苛刻公事輒推同官便展其才能有闕誤引爲已過不遺片善不念舊惡俸賜有餘周賑鄉族仁宗卽位念之

明書卷一百五十七

三

贈少師諡忠襄以其子達爲翰林檢討達幼遭歸甯被學支俸讀書比長宣宗召達還翰林正統十二年改禮科給事中陞都給事中景泰二年出爲長蘆運使

顧成字景昭江都人容貌魁梧壯勇質直有膽略喜習武事自文其身誇異人或謂成黔徒者非也丙申來歸充帳前親兵管擊蓋侍上出入忠謹無過初授百戶從征陞金吾副千戶宿衛陞指揮僉事從平蜀破貴州蠻克普定功陞指揮使普定衛進都指揮同知已而征雲南成扼普定斷後進督僉事充征南將軍鎮貴州征五開六洞破一百三十七寨斬首三千建文初令錦衣指揮譚全諭成班師

二年進同知三年進右都督是年閏三月從盛庸至真定戰敗被執燕王解其縛曰吾且用汝遣至北平侍世子居守有功太宗卽位以左都督封鎮遠侯食祿一千五百石與世券又出鎮貴州申嚴號令威信並行討撫諸蠻揭臺羅寨斬叛酋普亮滅其家羣蠻震攝卒年八十五贈夏國公諡武毅瑩中皆祠祀成八子長統爲普定指揮使先卒孫興祖永樂十二年嗣侯贈父統侯爲總兵宣德中坐交趾事徵下獄正統十四年從征失律降都督同知景帝初守備紫荆關詔與伯爵英宗復辟詔復侯出鎮貴州有功加祿三百石守南京景泰中鎮廣西坐貪財好色失地喪

明書卷一百五十七

十四

師逮下獄既而釋之子翰先卒翰子箴天順八年嗣侯卒無子箴從弟溥者成諸元孫也成化元年嗣侯溥初學國學解文墨嘗總兵團營爲平蠻將軍鎮湖廣擒貴苗僞王通漢蜀道還流移五千家復爛土長官司談都勻府增祿二百石溥清慎囊無餘資英國公張懋爲率布帛供敘事諡襄恪子仕隆弘治十七年嗣侯仕隆好文諱武爲京營總兵寬弘簡質得士心充漕運總兵鎮守淮安廉幹不苟擾卒贈太傅諡榮靖子賁嘉靖七年嗣侯出爲漕運總兵二十三年言官劾罷伏羌伯毛漢代賔旨下數日又劾罷漢用都督劉璽璽致仕居南京萬表代璽賁端清廉明溫

榮孝友時論魁之言官竟被考察去實復為漕運總兵鎮守淮安尋總督京營戎政卒子肇述嗣侯國變後不知所終

張信臨淮人父興開國功為永甯指揮僉事信嗣官以紫江草塘功陞都指揮僉事洪武三十一年建文皇帝即位疑北平大臣薦信有謀勇名調北平都司受密敕令與謝貴張昂合力防燕藩人信日夕憂懼母怪而問之信跪對曰兒統兵邊陲焉能無憂母曰汝非此憂其誰我故信屏左右對曰密旨欲得親王奈何母大驚曰不可汝父每言王氣在燕無妄為禍家族矣信益憂懼未幾救促信信絕

明書卷一百五十七

五

然起日何為乃爾三造燕邸燕王辭不見乃乘婦人輿求見燕王令入拜燕王牀下時燕王稱風病不能言久矣信頓首曰殿下無恙即有恙當急論臣燕王曰余誠病且困待死爾信復曰殿下不以情語臣朝廷密敕信執殿下殿下意果無他幸從臣歸命京師即有意宜告臣燕王見信稱臣又意甚誠側位下告信密謀立召姚廣孝未能張王定計奪九門信遂從燕兵戰大甯真定鄭村壩還軍攻九門營西克大同轉戰夾河薊城渡破盛庸兵入金川門陞都督僉事太宗即位封隆平侯食祿一千石與世券伯太宗時時呼信為恩張凡召太子北京察藩王動靜諸密

要事皆命信永樂二十年征虜功加少師洪熙元年與世侯券支兩俸子鏞自立功為指揮僉事先卒鏞子潛嗣官正統七年信卒贈鄖國公諡襄僖信以指揮僉事嗣侯卒子福嗣侯無子弟弟祐嗣侯卒無子弟弟祿與婿爭嗣下法司理正德三年祿嗣侯卒子偉優給十二年嗣侯

王通陝咸甯人父興開國功為燕山護衛百戶從燕兵攻九門戰永平真定功陞都指揮使建文四年灤河戰沒文皇即位贈金鄉侯諡忠壯進贈甯國公通亦從燕兵有功又以父故封武義伯食祿千二百石與世券永樂七年作天壽山十三年進封成山侯二十三年與世券又以父故

明書卷一百五十七

六

加祿歲一千石仁宗時以興從祀太宗宣德元年充征夷將軍總兵鎮交趾未幾通言交趾反救通勦賊都督方政坐罪隸麾下立功二年斬偽司徒利賊大懼通怯不敢追又為屯山壽所窘賊復聚甯橋戰通敗績柳升兵又未至通輒與利賊書和許界清化等州地按察使楊時習以為不可力爭通勵聲叱時習比升兵至隘留關又大敗升死通遂與利賊盟班師陸行出廣西山壽陳智由水道出欽州凡文武吏士得還者八萬六千六百四十人利賊閉留不遣者尚數萬人三年廷臣劾通論當死繫獄奪券籍其家會赦宥死為民正統元年通子琮乞得祖塋葬通母十

四年北狄南侵廷薦通爲都督僉事與楊善守京城禦敵
功陞都督同知尋守山陵景泰三年卒琮爲景陵指揮僉
事天順元年詔恩琮得嗣成山伯卒于牘嗣伯弘治十一
年乞養孝宗念真從燕兵有功又備食太廟出原旁賜牘
卒子淇嗣吏部言通罪廢琮嗣伯以詔恩牘時未許世嗣
執不許洪嗣伯上以洪祖眞奏故在許洪嗣伯

房寬未詳何許人洪武四年以濟南左衛指揮帥兵五千
人從魏國公達北平練兵繕城爲北平行都司都指揮燕
兵至大甯守將朱鑑力戰寬忽降寬既降鑑力不支死之
建文二年寬戰白溝河敗再戰有功已而轉戰濟沛江淮

明書卷一百五十七

七

皆有功歷陞督府僉事太宗卽位封思恩侯食祿八百石
世指揮使

史官曰金忠布衣也始燕終燕而立尊建事寬平有大臣
之度可爲名臣矣獨是時上有共主科目薦辟並行不帶
亦可揚翼天衢播聲功業乃走燕藩爲謀首曾弗回首金
陵稍爲顧念姦回之日不能恕矣顧成等或作降鹵於戰
鯽或驟倒戈於對壘或獻密議於未形或忘先志於開闢
咸北平之嘉績而春秋之罪人知董狐復起無以貸也

徐正傳

徐正吳江人業微父爲人治刀筆詞訟不齒而正少美貌

能文人見輒詫恨曰無天耶徐氏生此兒正舉進士授給
事中侍英宗左右上愛之嘗撫慰曰勉哉將大用爾然正
小人輒瞻沾沾無所以當上者英宗北狩還遷於南宮正
密疏曰太上皇社稷罪人今過奉非計且下或借爲奇貨
宜有以處之夫爲天下不顧家陛下毋愛此名也帝心難
之不用又數載正已遷大理少卿英宗復辟見正勞曰卿
故侍吾給事耶日召對賜金帛酒食而正亦且幸疏毀不
發矣會英宗一日坐便殿旋風吹文書墮地取覽乃正疏
也怒甚連發使召之至則投疏令自拾正魄奪不能對
反接凌遲於市籍其家

明書卷一百五十七

七

史官曰徐正佐佐小人見事透徹其於景帝謀之其賊乎
詩人之旨不思勉哉大用之恩耶風落奏書長厥委令訟
師之報不亦宜乎

劉吉萬安尹旻焦芳傳

劉吉字祐之博野人性謫險韋侯登正統戊辰進士選庶
吉士授編修景泰初侍經筵預修寰宇通志進修撰天順
中侍東宮講讀預輯一統志進侍讀成化改元修英宗實
錄成陞侍讀學士尋陟禮部侍郎己丑簡入內閣兼學士
丁酉進禮部尚書戊戌加太子少保文淵閣大學士庚子
遭父喪詔資以羊酒寶鈔令起服視事吉三上疏辭陰托

貴戚萬喜爲援得不允編修陳音致書吉勸其抗疏終制不報人遂無敢言者吉每談笑對客殊無戚容尋修文華大訓成加太子太保武英殿大學士給一品誥命甲辰改戶部尚書謹身殿大學士丁未秋孝宗卽位科道官交割萬安尹直以次罷去吉獨不動倚任尤專慮科道有言者乃傾身阿結又建言欲起遷科道官處不久之位會詔量才舉用廢滯吉特爲奏拔者原任給事中賀欽御史強珍輩十八人部屬惟員外郎林俊一人欽等皆名士吏部已次第擬擢而吉復爲此欲以媚眾諸凡科道爲上所探納者悉謂由己以市恩自是人無復有言之者弘治戊申

明書卷一百五十七

九

進少傅兼太子太師吏部尚書知經筵事己酉二月春不雨詔儒臣撰文請禱吉率同官上言邇者姦徒襲李孜省鄧常恩之故術見月宿在畢天將陰雨遂奏請祈禱幸而有中以希進用謹按詩云月麗於畢俾滂沱矣書云月之從星則以風雨今月宿在畢雨降之徵也臣恐侍門一開爭言祈禱啓覺召亂實基於此所以祝文臣等不敢奉命庚戌星變見吉又率同官上言邇者妖星出天津歷杓臼近營實考之圖志爲兵爲饑爲水旱矧今南海修垣牧河修橋俱非急務宜停止以答天戒上嘉納之未幾風雹發自天壽山毀瓦像物震驚陵寢有旨戒諭羣臣修省遣官

祭告時翰林侍讀張昇上疏言應天之實當以輔導之臣爲先請明正吉罪昇得罪謫南工部員外郎由是人目之爲餘花以其耐彈也吉聞之大怒或告以出自監中一老舉人善恢諧者吉遂奏舉人監生三赴會試不第者不許再試辛亥秋九月上欲封張皇后弟伯爵命吉撰誥奏吉言必盡封周王二太后家子弟乃可封其意欲稽遲以俟賄上廉知而惡之遣中官至其家勒令致仕吉去位猶詔有司月給米五石歲撥人夫幾名降敕護之還鄉瀕行京城人欄街指之曰咲餘花去矣旣歸踰年卒六十七贈太師諡文穆官其子皋爲太常少卿

明書卷一百五十七

三

萬安字循吉眉州人貌魁碩眉目如刻畫外寬內險媚邪憲正以干大位登正統戊辰二甲第一名進士選庶吉士授編修景泰壬申以易儲遷左春坊司直郎尋轉右中允改尙寶司丞兼編修天順戊寅侍講兼學士侍皇太孫講讀成化改元預修英宗實錄陟少詹事兼學士己丑春遷禮部左侍郎兼翰林院學士入內閣預機務先是有同年進士李泰中官李永昌之猶子也泰已累官少詹事兼侍講學士安固深結泰至是內閣員缺議用泰泰謂安日子先爲之我不患不至安遂被命在閣惟以囑托貪賄爲事聯萬貴妃爲同宗時貴妃兄萬通亦授錦衣衛都指揮通

妻王氏出入掖庭安陰陰家人給通妻往來布腹心爲內援壬辰春二月以禮部左侍郎兼大學士掌會試事未幾陟禮部尙書加太子少保改戶部尙書兼文淵閣大學士癸卯皇太子出閣時文華大訓成命詹事彭華左中允周經等以進講東宮起立拱聽安獻譏以東宮不宜勞謂講官宜立疏請坐聽華與經不從竟得如禮時妖俗繼熾幻吏李孜省皆以術得寵孜省江西人安緣其同鄉彭華浸密孜省深相結納黨援扶擢遂百計引其附己者而退其不附者一時詞臣若禮部侍郎郭謹祭酒陳鑑方正之士如王恕馬文昇耿裕秦紱等相繼斥去舉朝側目無敢顯

明書卷一百五十七

三

訟其過者尋加少師兼太子太師華蓋殿大學士成化丁未孝宗卽位庶吉士鄒智與安同鄉憤其所爲率同館士吉人李文祥發其恃權怙寵之姦御史湯鼎文貴姜洪等交章糾劾先是有倪進賢者少無行而安與爲腹心取爲庶吉士擢御史會與講房中之術由是微聲益彰孝宗在東宮時頗聞至是於宮中檢獲疏一小篋皆房中術悉畧曰臣安進上遺懷恩攜至內閣示之曰是豈大臣所爲乎安慚漢不能出一語亟欲斥去上又命恩執諸臣奏章赴閣示安每晨一卷安卽號泣乞哀猶無去意恩令摘其所懸牙牌叱曰請出矣安始惶遽索馬歸第初安久戀內閣

不退人或微諷之答曰惟一死報國耳及華出在道猶看三台星異復用也其無恥如此尋卒贈太師諡文康其子翼爲南京禮部侍郎孫弘璧爲編修俱淫恣不檢卒無嗣尹旻字同仁歷城人小有識計而心譎行詭登正統戊辰進士初選庶吉士改刑科給事中陞通政司參議受命往陝西調度軍餉天順壬午春三月旻奏敵退河間所調集軍馬取盛輪供已極乞放還從之尋還京明年癸未進吏部右侍郎成化己巳春轉吏部左侍郎九年癸巳春陟吏部尙書尋加太子太保是時修山東志囑載其居吏部有知人之鑒所選吏皆稱職因僞撰謠曰公道不如王恕還

明書卷一百五十七

三

法不如尹旻以自詡異實當其掌天曹也每各部司屬之賢能者輒向人譽之以表其知人及至推舉御先科道官而部屬中有出入中官之門者亦先之平日所稱揚者又皆不與也郎中陸容嘗論其事若戶科給事中李孟暘奉使山西及其回過代州等處要地皆武備不飭賜至京奏請設整理兵備副使一員以專委任兵部覆奏制曰可及客吏部乃寢不行後詰其故以副使缺例於刑部年深郎中內以次陞補時旻念一鄉人親覲京職不欲外又欲越他陞恐機泄遂已未幾其覲覲者果擢大理寺丞丁酉立西廠太監汪直用事恣暴時尙書項忠約諸堂上官疏汪

過惡晏不從忠遂具草詞意懇切令郎中張瑛姚瑩持詣各堂上僉名仍送葉於晏俾收以自別晏卽潛報汪同朝薄之晏子龍登進士初授翰林編修未幾轉侍講駱姪喪檢士行不齒晏自天順癸未爲吏部左右侍郎尋陞尙書後累進太子太傅二十有四年素與萬安不協安亟欲去之每語所親厚者曰言官有能劾同仁者勿憂無大官做也會內閣劉珣與晏俱山東人最厚善安欲陷晏爲珣所梗不得行成化四年珣去位安遂結李孜省譖晏於上因噤言官劾晏從其子龍招權納賄私其鄉人朝廷逮龍下詔獄命三法司錦衣衛廷鞫之遂繫龍爲民晏落太子太

明書卷一百五十七

三

傳令致仕及其鄉里故舊以貴祿進者皆降調外補云後晏居家朝士猶有上章乞籍其家之半以賑山東饑者其不協士大夫之心如此弘治十六年卒贈太保謚恭簡焦芳字孟陽泌陽人性險愎登天順甲申進士選庶吉士授編修轉侍講進侍講學士嘗坐事謫湖廣桂陽州同知歷霍州知州陞四川提學副使調湖廣副使因上疏自治陞南京右通政以憂去起仍爲通政再以憂去起爲太常少卿兼侍講學士擢禮部侍郎改吏部侍郎正德改元吏部尙書馬文升去位時司禮監太監李榮與芳同鄉因爲內援遂以芳代尙書是冬十一月以尙書兼武英殿大學

士入閣辦事甚妨部務尋加太子太保兼謹身殿大學士專在內閣是時正人斥逐羣邪彙征逆瑾專寵芳結爲黨遂援兵部尙書劉宇爲吏尙而以曹元爲兵部尙書從其類也已已焦以老病致仕以宇兼文淵閣大學士入閣預機務明年春又以元兼文淵閣大學士芳始比尹受父子尹坐敗請及爲吏部尙書時值逆瑾亂政號入黨大學士劉健會同戶尙書韓文率百僚伏闕固爭將除之芳懼於瑾預爲之所由是劉健謝遷韓文楊守隨等相繼斥罷黨勢益熾遂以芳入閣表裏爲姦凡變素成憲桂棣臣工杜塞言路酷虐軍民皆芳導之姦邪如曹元劉宇媚竈續貂

明書卷一百五十七

三

威涸政本芳爲之援暨充孝宗實錄總裁官筆削任意凡先正名卿悉肆醜詆授意檢討段昊以快其忿初在吏部時郎中張繇與瑾同鄉芳力薦之驟至冢宰實官需爵名器壞溢其子黃中尤狂誕恣睢方廷試畢芳欲取魁選既而眾論取呂柟爲第一芳謂諸執事抑之遂入言於瑾改編修顧清等二十餘人爲部屬官授子黃中爲檢討劉宇之子仁等六七人俱庶吉士黃中等陞編修踰年轉侍講時士官岑濬沒入家口有妹色殊甚芳聞求濬得之後臥病黃中聚應人咸鄙之瑾伏誅言官交劾其罪父子皆褫職爲民中原盜起有趙鍾者入泌陽芳僅以身免盡發其

先世塚墓無遺骸取芳衣冠被庭樹歷數其惡命婦士櫛之日使吾手誅此賊以謝天下

史官曰回鶻乘權則橫播吾壁譬彼特虎性秉兇殘不必攫可罹蹈行人何虞每遭伏擄也豺虎窟窟帆蔽藉弱伺聲而發無所顧忌所由然矣姦臣淫猾狼戾必且援引羣陰擠排善類與結婦寺外張畿毒快心於正人之沈淪借端於天子之威福善則歸己惡則歸君及至身死名墮遺臭漢青悲夫劉吉城府深密左右多譏斥害剛方惡聞其過而且奪服恐於親重賄忘其君此綱常之大蠹而孔孟之必誅也至晚年一疏豈所謂分香賣履而欲以掩其生

明書卷一百五十七

三

平也萬安僂薄陰賊寡廉鮮恥以進房中為媒榮之階用家人為梯援之計潛通宮掖伐異黨同跡其生平無善可稱尹旻批擢詭譎陰謀刻深鄙視謂其選法通敏實愚皆悅豈倖史哉焦芳肆姦實錄又不止詆誣一時欲以穢蟻千古文章自矜驚其鴟叫若趙錢者真可謂奇男子哉蓋天之假手於鏗而殲厥先骸耳撫册及此白日為昏矣

王瓊傳

王瓊字德華太原人登成化甲辰進士心雖不甚楷而饒才智初授工部主事累官至戶部右侍郎正德入年夏六月代孫文為尚書先是正德六七年間流賊猖獗北畿輔

山東之民苦焚掠屬歲登賴不告饑惟河間一府病水荒交李東陽奏罷山東直隸等處京邊糧草數百餘萬以故京師歲用不繼轉借太倉時遣戶部侍郎楊澤督發太倉庫銀二百萬兩往各州縣和買糧草至是瓊代屬賦已平因追駁其和買滋弊不如下令凡官軍捕賊經過州縣驗勘合供給口糧草料准其稅不足官為措處事畢處補為簡便且謂交約愛民而不知所以處東陽徒負文學之名使當流賊內擾之時設有邊方重警東陽輩將束手無策又曰繼孫後使無可考之法完惟正之供而申明鹽法以助之則邊兵缺食必生觖望矣遂奏查餘剩料豆令補給

明書卷一百五十七

三

所坐軍糧餘草數千萬東多朽腐不堪用令減價變賣得銀二十六萬兩以補宣府軍餉人以是多瓊之智計正德乙亥夏四月調兵部尚書代陸完時朱甯有寵用事瓊與甯善會有旨召彭澤還兵部瓊仍本部瓊因執初御史馮時雍之奏乞留澤甘肅候寫亦虎仙等回處置停留還京不聽丙子土魯番寇甘肅瓊請較切責都御史李昆等已而差給事中黃成御史趙春往勘回奏昆等有功無過瓊遂勘澤昆前後欺罔事跡奏劾其擅命遣使納幣土魯番復許增添失信致啓邊釁下法司議時各部大臣及言官皆以澤有平賊功戶部尚書石玠禮部毛澄亦以為大夫

出使於外苟有利於國家專之可也奏人朱甯固有戾於
澤內批落澤職爲民初澤忿朱甯專常對人發憤瓊以語
甯恐不信也一日瓊何澤過其家先匿甯屏後瓊以言激
澤澤果大怒甯自是深憾澤欲斥之先是大學士楊廷
和毛澄蔣冕俱欲庇澤令兵部再勘瓊復日納幣邊庭失
信夷人致貽後患利乎不利乎事須勘明更勘何事澤罷
廷和亦憾之正德辛巳世宗卽位廷和請捕殺寫亦虎仙
遂令法司欲坐瓊以勾引姦夷瓊繫獄已而勘無干涉釋
之尋轉兵部尚書鎮守三邊嘉靖巳丑甯給事邱九仞劾
其先朝遺姦表裏閹宦外交逆藩計斥忠良壞盡祖宗之

明書卷一百五十七

毛

禍難逃亂賊之刑竊恐斯人難付重寄已而吏科給事中
夏言疏亟除姦邪大臣謂瓊賦性姦兇宅心險賊內結嬖
倖外附錢甯勾引姦夷指排言路請重加竄斥以爲大臣
阿附權姦者之戒遂致仕後哈密議起侍郎桂萼疏請明
功臣發塞蔽謂嘉靖三年五月陝西以處決各夷火者八
月遂有甘肅之變當時哈密深入以殺降爲詞實爲訴冤
之舉故初不擇掠而誤事之人陳某等謬云志不在小以
欺皇上皇上爲之震動當時大臣反議大發師以擊之令
不得訟其冤遂使西北一邊生靈塗炭天下五尺童子所
共知也科道曾無一人爲皇上言者應訪乃知以楊廷和

欲致王瓊之罪故耳乞特起王瓊以絕此弊臣初上此奏
卽謀於大學士楊一清曰一時六部及在外者舊無可比
王瓊者一清曰論其才一時誠不能及但其心術姦險眾
不肯信臣曰馭得其道天下狙詐咸作役使況今聖天子
在上用之於久廢之餘必當懷恩所以報皇上者一清曰
雖然子姑存此議在天下可也人言且譏瓊曰震濠之反
王瓊實受其賄今考當時舉朝大臣各懷二心不肯動心
而倡言兵討者獨一瓊耳言官反誣爲受賄不已冤乎卽
如大學士楊一清方皇上起用之初人言亦何所不至今
既立朝當時言者亦復紛紛否乎此皇上所親見也乞留

明書卷一百五十七

王

神裁察誠不特爲瓊一人承一時之乏而已不起以卒
史官曰王瓊才具擅美設施煥爛往往謀事有條而存心
險僻舉動乖張夏言一疏殆刺骨之談矣人臣能秉志公
忠卽無才可稱不失平流若瓊者所謂自敗其燬者也

明書卷一百五十七終

列傳十八

宦官傳一

史官論曰子讀范史所論寺人而歎其事之無極也夫豈刁亂齊伊戾禍宋趙高覆秦弘恭石顯之亂漢政傾轍相尋罔非股鑒乃至東京之亂如蔣宗所稱舉動回山海呼吸變霜露阿旨則光寵三族忤意則參彝五宗斯亦極矣唐自楊高媚亂輔臣繼之幽固太上喋血椒宮爵真主號尚父重不可反而後復有程魚仇田之僭膺李明復蔡之

明書卷一百五十八

一

薛逆九重楊息甘同報獻擊之不勝則賢者爲陳賁不肖者爲訓注計窮憤極而何進崔胤皆以手外兵董卓朱晃之患成矣明興太祖謂侍臣曰吾見史傳所書漢唐末世皆爲宦官蠹敗未嘗不爲惋歎開國承家小人毋用其在宮禁可使之供灑掃給使令而已豈宜典兵與政故立制不兼文武衙不干外廷政不御外臣冠服蓋三十年之間宮府謐如也至太宗而稍有所私寄儼保之譖行而撫監岌岌矣監車之勢張而馬駢以交趾予敵矣再傳而天子幼冲母后不中制豎振遂滔天矣舉全盛之四海挾至尊之萬乘以昇菟廬恨其身死行陳不獲磔磔以謝天下而

復辟之後反降制爲之滿院何也吉祥之創逆汪直之啓亂魏教盈朝屍骨盈邊則此制媒之哉武宗尸位慢遊是好八虎橫三老親奄瑾孽牙其間叛藩乘之幾覆廟祚幸發自其偶以收全勝然一瑾死百瑾生參伍狡弁表裏作姦世宗赫然誅其桀首收革諸鎮監軍朝野吐氣邊腹危而復安則肅之爲肅宜也神宗幼倚權相未復倦勤外廷朋黨與內監相應和動有輕重然威福中制不假一政故馮保等不爲瑾直之續至熹宗童昏漫不慮事而魏暨之禍作矣內倚乳保以滋其姦外挾虎彪以肆其毒清流滿北司告密偏都邑緹騎四出忠臣諫士交臂延頸而受其

明書卷一百五十八

二

戮府藏內監禁兵中擅假子微祠爭寵競麗幸天厭其惡英王勃興縛之如孤雛腐鼠然而崇禎之世不監前車恨督撫之用兵無功邊腹復置監親因而狡弁驕卒倚其芘覆萎縮於行陣之間武暴乎閭里之內動輒鼓譟揮臂而去而此輩以婦人之仁泣涕招安文臣不得抒其籌策故將士莫肯用命究至開闢延賊皆寺人之徒則逆豎之貽禍烈也大抵明之瑞禍甚於西京過於宋而稍愈於漢唐之季者以祖宗之防制具在青宮豫建無迎立廢置之權朝發暮轉無將相交兵之亂耳至於竊爵掌兵開邊隙市內權毒流縉紳固與國相終始也其灼然稱賢如懷恩覃

昌雲奇之忠勤王承恩之殉節百不能一哀而次之以存勸戒云

雲奇南粵人太祖時守西華門邇胡惟庸第刺知其逆謀惟庸誑言所居井湧醴泉請上往觀鑾輿西出雲虛必與禍急走衝蹕勒馬銜言朕氣方勃呶舌駛不能達太祖怒其犯左右搥捥亂下雲垂斃右臂將折猶奪指惟庸第上見朕乃悟登城眺顧見其壯士披甲伏屏帷間數甲重返搜殿發兵擒惟庸召奇則息絕矣上追悼之錫贈加等令有司春秋祀之葬鍾山之西樹碣表其忠焉

阮安交趾人清苦介潔善謀畫太宗營建北京宮殿城池

明書卷一百五十八

三

及治集村驛諸河工皆大著勞績諸屬一受成算臨終布衾衣篋而已

鄭和洪武中入宮豐懽偉貌博辯機敏太宗卽位爲司禮太監大見寵異兩奉敕駕海舶入西洋封諸夷國通西南海道朝貢著有勞績人稱爲三寶太監數使滇黔百粵領上密諭蹤跡建文凡至其國皆圖其山川城郭條其風俗物產歸成帙以進以是諸國古未通中華者多附貢云陳燕文陞人永樂初入宮至景泰時應事五朝凡保抱皇子四夷征討悉與行皆忠誠無疵穆賜更姓名曰王瑾寵賚甚厚太宗時賜範金圖書四曰忠肝義膽曰金貂貴客

曰忠誠自勵曰心跡雙清

沐敬時爲太監太宗北征四十日不見敵兵困糧竭而前進山川荒僻隨征大臣皆勸回鑾上怒爲鎖項從敬復苦諫上罵曰反蠻敬舉首日不知不知上怒敬稱斬之敬猶大聲諫不已上忽悟曰使我家養人悉如此何患不好釋之乃回鑾

劉永誠順天人虎視屹屹便騎射三扈太宗北征奉宣宗使偵漢邸逆謀三帥師討兀良哈俘敵無算捕執破相妖人李宜張普祥英宗朝監鎮甘肅耀兵境外塞障於沙漠數取勝擒其酋景泰末召還總督團營英宗復辟勒兵披

明書卷一百五十八

四

甲控持大內獨不受賞屢求辭職杜門絕客泊如素門成化初老具辭果朝所賜產第祿物從之自居一庵若老僧卒無長物先是憲宗欲封以伯爵大學士彭時力爭之或曰中官古有封侯王者時曰此豈盛德事耶祖宗成憲俱在誰敢違之事遂寢而永誠亦無憾焉

王振山西蔚州人宣德中侍英宗於東宮機慧狠謫得英宗歡及卽位遂命掌司禮監大見寵信是年詔振偕文武大臣閱武於將臺振遂集京營及諸衛武職試騎射而殿最之奏捐糧食事紀廣第一起遷都指揮僉事上每爲先生面不名所言惟聽時輔臣方欲開經筵而振專意導上